

摘藻堂四庫全書薈要

集部

欽定四庫全書舊要卷一萬七千七百八

集部

御定全唐詩卷三百三

劉商

劉商字子夏彭城人少好學工文善畫登大歷進士第
官至檢校禮部郎中汴州觀察判官集十卷今編詩二
卷

銅雀妓

魏主矜蛾眉美人美於玉高臺無晝夜歌舞竟未足盛

色如轉圜夕陽落深谷仍令身歿後尚縱平生慾紅粉

淚縱橫

一作紅粉橫淚痕

調絃向空屋舉頭君不在惟見西陵

木玉輦豈再來嬌嬈為誰綠那堪秋風裏更舞陽春曲

曲罷

一作終

情不勝凭欄向西哭臺邊生野草來去冑羅

縠況復陵寢間雙雙見麋鹿

哭韓淮端公兼上崔中丞

堅貞與和璧利用歸干將金玉徒自寶高賢無比方挺
生巖松姿孤直凌雪霜亭亭結清陰不競桃李芳讀書

哂霸業翊贊思皇王千載有疑議一言能否臧儒風久
淪弊顏閔壽不長邦國豈一作既殄瘁斯人今又亡別離
長春草存沒隔楚鄉聞問尚書慟淚凝向日黃奄忽殫
露晞杳冥泉夜長賢愚自修短天色空蒼蒼銘旌斂歸
魂荆棘生路傍門柳日蕭索總帷掩空堂燈孤晦處明
高節歿後彰芳蘭已灰燼幕府留餘香常愛獨坐尊繡
衣如雁行至今虛左位言發淚霑裳

秋夜聽巖紳巴童唱竹枝歌

巴人遠從荆山

江一作

客回首荆山楚雲隔思歸夜唱竹

枝歌庭槐葉落秋風多曲中歷歷叙鄉土鄉思綿綿楚

詞古身騎吳牛不畏虎手提篋笠欺風雨猿啼日暮江

岸邊綠蕪

一作林

連山水連天來時十三今十五一成新

衣已再補鴻雁南飛報鄰伍在家歡樂辭家苦天晴露

白鐘漏遲淚痕滿面看竹枝曲終寒竹風裊裊西方落

日東方曉

烏夜啼

一作鳥
栖曲

遶樹啞啞驚復栖
含烟碧樹高枝齊一作迷
月明露濕枝
亦滑城上女墻西
月低愁人出戶聽
烏啼團團明月墮
墻西月中有桂樹
日中有伴侶何不上天去
一聲啼到曙

隨陽雁歌送兄南遊

塞鴻聲聲飛不住
終日南征向何處
大漠窮陰多沍寒
分飛不得長懷安
春去秋來年歲疾
湖南薊北關山難
寒飛萬里胡天雪
夜度千門漢家月
去住應多兩地情

東西動作經年別南州風土復何如春雁歸時早寄書
賦得射雉歌送楊協律表弟赴婚期

昔日才高容貌古相敬如賓不相覩手奉蘋蘩喜盛門
心知禮義感君恩三星照戶春空盡一樹桃花竟不言
結束車輿強遊往和風霽日東臯上鸞鳳參差陌上行
麥苗縈隴雉初鳴修容畫飾將何益極慮呈材欲導情
六藝從師得機要百發穿楊含絕妙白羽風馳碎錦毛
青娥怨處嫣然笑揚生詞賦比潘郎不似前賢貌不揚

聽調琴弄能和室更解響弧足自防秋深為爾持團扇
莫忘魯連飛一箭

泛舒城南溪賦得沙鶴歌奉餞張侍御赴河南
元博士赴揚州拜覲僕射

終日閭閻逐羣雞喜逢野鶴臨清溪綠苔春水水中影
夜月平沙沙上栖驚謂汀洲白蘋發又疑曲渚前年雪
紫頂昂藏肯狎人一聲嘹唳一作唳冲天闕素質翩翩帶

落暉湖南渭陽相埒飛東西分散別離促宇宙蒼茫相

見稀皇華地仙如鶴馭乘駕飄飄留不住延望乘虛入
紫霞陌頭回首空烟樹會使搏風羽翮輕九霄雲路隨
先鳴

姑蘇懷古送秀才下第歸江南

姑蘇臺枕吳江水層級鱗差向天倚秋高露白萬林空
低望吳田三百里當時雄盛如何比千仞無根立平地
臺前夾一作來月吹玉鸞臺上迎涼撼金翠銀河倒瀉君

王醉灑酒裁冠盼西子宮娃酣態舞娉婷香颺四颯一作

聽一作真珠青城一作墜伍員結舌長噓噓忠諫無因到君耳城

烏啼盡海霞銷深掩金屏日高睡王道潛隳伍員死可

嘆斗間瞻王氣會稽句踐擁長矛萬馬鳴蹄掃空壘瓦

解冰銷真可耻凝艷妖芳安足恃可憐荒堞晚冥濛麋

鹿呦呦達一作遠遺址君懷逸氣還東吳吟狂日日遊姑

蘇興來下筆到一作倒奇景瑤盤迸灑蛟人珠大鵬矯翼

翻雲衢高峰霽後凌天孤海潮秋打羅刹石月魄夜當

彭蠡湖有時凝思家虛無霓幢彷彿遊仙都琳瑯暗戛

玉華殿天香靜裏金芙蓉君聲日下聞來久清贍何人
敢敵手我逃名迹遁西林不得灞陵傾別酒莫便五湖
為隱淪年年三十昇仙人

金井歌

文明化洽天地清和氣

一作元氣

氤氳孕至靈

一作精

瑞雪不

散抱層嶺陽谷霞光射山頂雜草披沙石竇開生金曜
日明金井虞衡相賀為禎祥畏人採攫持及戕羊馳馬
走塵滿道郡邸封章開建章君王儉德先簡易贍國肥

家在仁義山澤藏金與萬人
宣言郡邑無專利閭閻少
長競奔湊黃金滿袖家富有
驩心蹈舞歌皇風願載謳
歌青史中

柳條歌送客

露井夭桃春未到遲日猶寒柳開早
高枝低枝飛鷗黃
千條萬條覆宮牆幾回離別折欲一作盡
一夜東風吹
又長毵毵拂人行不進依依送君無
遠近青春去住隨
柳條却寄來人以為信

胡笳十八拍

第一拍

漢室將衰兮四夷

一作方

不賓動干戈兮征戰頻哀哀父

母生育我見離亂兮當此辰紗窗對鏡未經事將謂珠
簾能蔽身一朝胡騎入中國蒼黃處處逢胡人忽將薄
命委鋒鏑可惜紅顏隨虜塵

第二拍

馬上將余向絕域厭生求死死不得戎羯腥膻豈是人

豺狼喜怒難姑息行盡天山足霜霰風土蕭條近胡國
萬里重陰鳥不飛寒沙莽莽無南北

第三拍

如羈囚兮在縲紲憂慮萬端無處說使余刀兮剪余髮
食余肉兮飲余血誠知殺身願如此以余為妻不如死
早被蛾眉累此身空悲弱質柔如水

第四拍

山川路長誰記得何處天涯是鄉國自從驚怖少精神

不覺風霜損顏色夜中歸夢來又去朦朧豈解傳消息
漫漫胡天叫不聞明明漢月應相識

第五拍

水頭宿兮草頭坐風吹漢地衣裳破羊脂沐髮長不梳
羔子皮裘領仍左狐襟貉袖腥復臙晝披行兮夜披卧
羶帳時移無定居日月長兮不可過

第六拍

怪得春光不來久胡中風土無花柳天翻地覆誰得知

如今正南看北斗姓名音信兩不通終日經年常閉口
是非取與在指搗言語傳情不如手

第七拍

男兒婦人帶弓箭塞馬蕃羊臥霜霰寸步東西豈自由
偷生乞死非情願龜茲感築愁中聽碎葉琵琶夜深怨
竟夕無雲月上天故鄉應得重相見

第八拍

憶昔私家恣嬌小遠取珍禽學馴擾如今淪棄念故鄉

悔不當初放林表朔風蕭蕭寒日暮星河寥落胡天曉
旦夕思歸不得歸愁心想似籠中鳥

第九拍

當日蘇武單于問道是賓鴻解傳信學他刺血寫得書
書上千重萬重恨鬚胡少年能走馬彎弓射飛無遠近
遂令邊雁轉怕人絕域何由達方寸

第十拍

恨凌辱兮惡腥膻憎胡地兮怨胡天生得胡兒欲棄捐

及生母子情宛然貌殊語異憎還愛心中不覺常相牽
朝朝暮暮在眼前腹生手養寧不憐

第十一拍

日來月往相催遷迢迢星歲欲周天無冬無夏卧霜霰
水凍草枯爲一年漢家甲子有正朔絕域三光空自懸
幾回鴻雁來又去腸斷蟾蜍虧復圓

第十二拍

破瓶落井空永沈故鄉望斷無歸心寧知遠使問姓名

漢語泠泠傳好音夢魂幾度到鄉國覺後翻成哀怨深
如今果是夢中事喜過悲來情不任

第十三拍

童稚牽衣雙在側將來不可留又憶還鄉惜別兩難分
寧棄胡兒歸舊國山川萬里復邊戍背面無由得消息
淚痕滿面對殘陽終日依依向南北

第十四拍

莫以胡兒可羞耻恩情亦各言其子手中十指有長短

截之痛惜皆相似還鄉豈不見親族念此飄零隔生死
南風萬里吹我心心亦隨風度遼水

第十五拍

歎息襟懷無定分當時怨來歸又恨不知愁怨情若何
似有鋒鋸擾方寸悲歡竝行情未快心意相尤自相問
不緣生得天屬親豈向仇讐結恩信

第十六拍

去時只覺天蒼蒼歸日始知胡地長重陰白日落何處

秋雁所向應南方平沙四顧自迷惑遠近悠悠隨雁行
征途未盡馬蹄盡不見行人邊草黃

第十七拍

行盡胡天千萬里唯見黃沙白雲起馬飢跑雪銜草根
人渴敲冰飲流水燕山髣髴辨烽戍鞞鼓如聞漢家壘
努力前程是帝鄉生前免向胡中死

第十八拍

歸來故鄉見親族田園半蕪春草綠明燭重燃煨燼灰

寒泉更洗沈泥玉載持巾櫛禮儀好一弄絲桐生死足
出入關山十二年哀情盡在胡笳曲

雜言同豆盧郎中郭南七里橋哀悼姚倉曹

橋邊足離別終日為悲辛登橋因歎逝却羨別離人橋
下東流水芳樹櫻桃蘂流水與潮迴花落明年開可憐
三語掾長作九泉灰宿昔歡遊在何處花前飲足求仙
去

春日卧病

楚客經年病孤舟人事稀晚晴江柳變春暮

一作塞鴻

歸今日方知命前身

一作年

自覺非不能憂歲計無限故

山薇

題禪居廢寺

凋殘精舍在連步訪緇衣古殿門空掩楊花雪亂飛鶴
巢松影薄僧少磬聲稀青眼能留客疎鐘逼夜歸

題山寺

一作題
悟空寺

扁舟水淼淼曲岸復長塘古寺春山上登樓憶故鄉雲

烟橫極浦花木擁迴廊更有思歸意晴明陟上方

題楊侍郎新亭

毘陵過柱史簡易在茅茨芳草如一作和花種修篁帶笋

移徑幽人未賞簷靜燕初窺野客憐霜壁青松畫一枝

同徐城季明府遊重光寺題見師壁一作同遊重光寺題

僧壁

野寺僧房遠陶潛引客來鳥喧殘果落蘭敗幾花開真
性知無住微言欲望迴竹風清磬晚歸策步蒼苔

送林袁侍御東陽秩滿赴上都

幾年烏府內何處逐鳧歸
關吏迷驄馬銅章累繡衣
野亭山草綠客路柳花飛
況復長安遠音書從此稀

送人之江東

含香仍佩玉宜入鏡中行
畫室隨乘輿扁舟不計程
渡江霖雨霽對月夜潮生
莫慮當炎暑稽山水木清

送李元規昆季赴舉

見誦甘泉賦心期折桂歸
鳳雛皆五色鴻漸又雙飛
別

思看衰柳秋風動客衣明朝問禮處
暫覺雁行稀
送楊閑侍御拜命赴上都

賀客移星使絲綸出紫微
手中霜作簡身上繡為衣
驄馬朝天疾臺鳥向日飛
親朋皆避路不是送人稀

賦得月下聞蛩送別

物候改秋節炎涼此夕分
暗蟲聲徧草明月夜無雲
清迥簷外見淒其籬下聞
感時魚惜別羈思自紛紛

重陽日寄上饒李明府

重陽秋雁未銜蘆始覺他鄉節候殊
旅館但知聞蟋蟀
郵童不解獻茱萸
陶潛何處登高醉
倦客停橈一事無
來歲公田多種黍
莫教黃菊笑楊朱

同諸子哭張元易

盛德高名總是空
神明福善大朦朧
遊魂永永無歸日
流水年年自向東
素帷旅櫬鄉關遠
丹旆孤燈客舍中
伯道共悲無後嗣
孀妻老母斷根蓬

合肥至日愁中寄鄭明府

失計為卑吏三年滯楚鄉不能隨世俗應是昧行藏
白壁空無玷黃沙只自傷暮天鄉思亂曉鏡鬢毛蒼
灰管移新律窮陰變一陽歲時人共換幽憤日先長
拙宦慚知己無媒悔自強
迺遭羞薄命恩惠費餘光
衆口誠難稱長川却易防
魚竿今尚在行此掉滄浪

送廬州賈使君拜命

考績朝稱貴時清武用文
二天移外府三命佐元勳
佩玉兼高位擬金闕上軍
威容冠是鐵圖畫閣名共
人詠

甘棠茂童謠竹馬羣懸旌風肅肅臥轍淚紛紛特達恩
難報升沉路易分侯嬴不得從心逐信陵君

御定全唐詩卷三百三

欽定四庫全書
書會要卷一萬七千七百九

集部

御定全唐詩卷三百四

劉商

怨婦

淨掃黃金階
飛霜皎如雪
下簾彈箜篌
不忍見秋月

綠珠怨

從來上臺榭
不敢倚闌干
零落知成血
高樓直下看

古意

達曉

一作連曙

寢衣冷開帷

一作門

一作

霜露凝風吹昨夜淚一片

枕前冰

哭蕭掄

何處哭故人青門水如箭當時水頭別從此不相見

送從弟赴上都

車騎秦城遠囊裝楚客貧月明思遠道詩罷訴何人

登相國寺閣

晴日登臨好春風各望家垂楊夾城路客思逐楊花

酬濬上人采藥見寄

玉英期共采雲嶺獨先過應得靈芝也詩情一倍多

曲水寺枳實

枳實遶僧房攀枝置藥囊洞庭山上橘霜落也應黃

酬問師

虛空無處所髣髴似琉璃詩境何人到禪心又過詩

殷秀才求詩

傾蓋見芳姿晴天瓊樹枝連城猶隱石唯有卞和知

行營即事

萬姓厭干戈三邊尚未和將軍誇寶劍功在殺人多

送劉寰北歸

南巢登望縣城孤半是青山半是湖知爾素多山水興
此回歸去更來無

送王閑歸蘇州

深山窮谷没人來邂逅相逢眼漸開雲鶴洞宮君未到
夕陽帆影幾時回

送人往虔州

莫歎乘輶道路賒
高樓日日望還家
人到南康皆下淚
唯君笑向此中花

送僧往湖南

一作送清上人

閒出東林日影斜
稻苗深淺映袈裟
船到南湖風浪靜
可憐秋水照蓮花

送元使君自楚移越

露冕行春向若耶
野人懷惠欲移家
東風二月淮陰郡

唯見棠梨一樹花

移居深山謝別親故

不食黃精不采薇
葛苗為帶草為衣
孤雲更入深山去
人絕音書雁自飛

送王永二首

一作合溪送王永歸東郭

君去春山誰共遊
鳥啼花落水空流
如今送別臨溪水
他日相思來水頭

綿衣似熱袂衣寒
時景雖和春已闌
誠知暫別那惆悵

明日藤花獨自看

送別

灞岸青門有弊廬
昨來聞道半丘墟
陌頭空送長安使
舊里無人可寄書

送王貞

清陽玉潤復多才
邂逅佳期過早梅
槿花亦可浮杯上
莫待東籬黃菊開

送薛六暫遊揚州

志在乘軒鳴玉珂
心期未快隱青蘿
廣陵行路風塵合
城郭新秋砧杵多

送楊行元赴舉

晚渡邗溝惜別離
漸看烽火馬行遲
千鈞何處穿楊葉
二月長安折桂枝

行營送人

鞞鼓喧喧對古城
獨尋歸鳥馬蹄輕
回來看覓鶯飛處
即是將軍細柳營

滑州送人先歸

河水冰消鴈北飛
寒衣未足又春衣
自憐漂蕩經年客
送別千回獨未歸

送濬上人

木落前山霜露多
手持寒錫遠一作頭陀
眼看庭樹梅

花發不見詩人獨詠歌

高郵送弟遇北遊

門臨楚國舟船路
易見行人易別離
今日送君心最恨

孤帆水下又風吹

送豆盧郎中赴海陵

煙波極目已霑襟
路出東塘水更深
看取海頭秋草色

一作
恰如江上別離心

送女子

青娥宛宛聚為裳
烏鵲橋成別恨長
惆悵梧桐非舊影
不悲鴻雁暫隨陽

酬道芬寄畫松

聞道鈇華學沈寧寒枝浙瀝葉青青一株將比囊中樹
若個年多有茯苓

山翁持酒相訪以畫松酬之

白社風霜驚一作通暮年銅瓶桑落慰秋天憐君意厚留

新畫不著松枝當酒錢

題潘師房

渡水傍山尋石壁一作壑白雲飛處洞門開仙人來往行

無跡石徑春風長綠苔

謝自然却還舊居

仙侶招邀自有期，九天升降五雲隨。
不知辭罷虛皇日，更向人間住幾時。

寄李甫

挂却衣冠披薜荔，世人應是笑狂愚。
年來漸覺鬚髮黑，欲寄松花君用無。

贈頭陀師

少壯從戎馬上飛，雪山童子未緇衣。
秋山年長頭陀處。

說我軍前射虎歸

贈嚴四草履

輕微管蒯將何用容足偷安事頗同日入信陵賓館靜
贈君閒步月明中

題劉偃莊

何事退耕滄海畔閒看富貴白雲飛門前種稻三回熟
縣裏官人四考歸

題黃陂夫人祠

卷二 四
蒼山雲雨逐明神，唯有香名萬歲春。
東風三月黃陂水，只見桃花不見人。

題道濟上人房

何處營求出世間，心中無事即身閒。
門外水流風葉落，唯將定性對前山。

梨樹陰

福庭人靜少攀援，雨露偏滋影易繁。
磊落紫香香一作金風

亞樹清陰滿地書，當軒

秋蟬聲

蕭條旅舍客心驚
斷續僧房靜又清
借問蟬聲何所為
人家古寺兩般聲

歸山留別子姪二首

車馬馳驅人在世
東西南北鶴隨雲
莫言貧病無留別
百代簪纓將付君

不逐浮雲不羨魚
杏花茅屋向陽居
鶴鳴華表應傳語
鴈度霜天懶寄書

與湛上人院畫松

水墨乍成巖下樹，
摧殘半隱洞中天。
猷公曾住天台寺，
陰雨猿聲何處聞。

白沙宿竇常宅觀妓

揚子澄江映晚霞，
柳條垂岸一千家。
主人留客江邊宿，
十月繁霜見杏花。

上巳日兩縣寮友會集時主郵不遂馳赴輒題

以寄方寸

一作上巳日縣寮會集不遂馳赴

踏青看竹共佳期
春水晴山被袂詞
獨坐郵亭心欲醉
櫻桃一作落花落盡暮愁時

懷張瓌

苔石蒼蒼臨澗水
陰風裊裊動松枝
世間唯有張通會
流向衡陽那得知

與于中丞

萬頃荒林不敢看
買山容足擬求安
田園失計全蕪沒
何處春風種蕙蘭

表十五遠訪山門

僻居謀道不謀身
避病桃源不避秦
遠入青山何所見
寒花滿徑白頭人

行營病中

心許征南破虜歸
可言羸病臥戎衣
遲遲不見憐弓箭
惆悵秋鴻敢近飛

合谿水漲寄敬山人

共愛碧谿臨水住
相思來往踐莓苔
而今却欲嫌谿水

雨漲春流隔往來

不羨花

惆悵朝陽午又斜
刺裁桃李學仙家
花開花落人如舊
誰道容顏不及花

醉後

春草一作月秋風老此身
一瓢長醉任家貧
醒來還愛浮萍草
漂寄官河不屬人

題水洞二首

桃花流出武陵洞，夢想仙家雲樹春。
今看水入洞中去，却是桃花源裏人。

長看巖穴泉流出，忽聽懸泉入洞聲。
莫摘山花拋水上，花浮出洞世人驚。

代人村中悼亡二首

花落茅簷轉寂寥，魂隨暮雨此中銷。
邇來庭柳無人折，長得垂枝一萬條。

虛室無人乳燕飛，蒼苔滿地履痕稀。
庭前唯有薔薇在，

花似殘粧葉似衣

觀獵三首

夢非熊虎數年間
驅盡豺狼宇宙間
傳道單于聞校獵
相期不敢過陰山

日隱寒山獵未歸
鳴絃落羽雪霏霏
梁園射盡南飛鴈
淮楚人驚陽鳥啼

松月東軒許獨遊
深恩未報復淹留
梁園日暮從公獵
每過青山不舉頭

畫石

蒼蘚千年粉繪傳
堅貞一片色猶全
那知忽遇非常用
不把分銖補上天

詠雙開蓮花

菖蒿新花曉並開
濃妝美笑面相隈
西方采畫迦陵鳥
早晚雙飛池上來

夜聞鄰管

何事霜天月滿空
鸚雛百轉向春風
鄰家思婦更長短

楊柳如絲在管中

山中寄元二侍御二首

心期汗漫臥雲扃
家計漂零水上萍
桃李向秋彫落盡
一枝松色獨青青

拖紫銜金濟世才
知君倚玉望三台
深山窮谷無人到
唯有狂愚獨自來

上崔十五老丈

天漢乘槎可問津
寂寥深景到無因
看花獨往尋詩客

不為經時謁丈人

袁德師求畫松

柏偃松斲勢自分
森梢古意出浮雲
如今眼暗畫不得
舊有三株持贈君

早夏月夜問王開

清風首夏夜猶寒
嫩筍侵階竹數竿
君向蘇臺長見月
不知何事此中看

裴十六廳即事

主人能政訟庭閒
帆影雲峰戶牖間
每到夕陽嵐翠近
只言籬障倚前山

春日行營即事

風引雙旌馬首齊
曹南戰勝日平西
為儒不解從戎事
花落春深聞鼓鼙

畫樹後呈濟師

翔鳳邊風十月寒
蒼山古木更推殘
為君壁上畫松柏
勁雪嚴霜君試看

弔從甥

日晚河邊訪惇獨哀柳寒蕪遠
郊屋兒童驚走報人來
孀婦開門一聲哭

句

郵筒不解獻茱萸

容齋
隨筆

趙侯首帶鹿耳巾規模出自

陶弘景

鹿耳巾歌
海錄碎事

御定全唐詩卷三百四

欽定四庫全書
書薈要卷一萬七千七百十

集部

御定全唐詩卷三百五

陳翊

一作
翊

陳翊字載物閩縣人大曆中登進士第貞元中官戶部
郎中知制誥詩十卷今存七首

登城樓作

井邑白雲間
巖城遠帶山
沙墟陰欲暮
郊邑淡方閒
孤徑迴榕岸
層巖破枳關
寥寥分遠望
暫得一開顏

宴柏臺

華臺陳桂席密榭宴清真柏葉猶霜氣桃花似漢津青
尊照深夕綠綺映芳春欲憶相逢後無言嶺海人

過馬侍中亭

草色照雙扉軒車到客稀苔衣香屐迹花綬少塵飛薄
望憐池淨開畦愛雨肥相過忘日晏坐待白雲歸

寄邵校書楚萇

愛酒時稱僻高情自不凡向人方白眼違俗有青巖雲

際開三徑烟中挂一帆
相期同歲晚閒興與松杉

龍池春草

青春光鳳苑細草徧龍池
曲渚交蘋葉迴塘惹柳枝
因風初冉冉覆岸欲離離
色帶金堤靜陰連玉樹移
日光浮蘂靡波影動參差
豈比生幽遠芳馨衆不知

郊行示友人

水開長鏡引諸巖
春洞花深落翠寒
醉向絲蘿驚自醒
與君清耳聽松湍

送別蕭二

橘花香覆白蘋洲
江引輕帆入遠遊
千里雲天風雨夕
憶君不敢再登樓

劉復

劉復登大厯進士第官水部員外郎詩十六首

遊仙

稅駕倚扶桑
逍遙望九州
二老佐軒轅
移戈戮蚩尤
功成棄之去
乘龍上天遊
天上見玉皇
壽與天地休
俯視

崑崙宮五城十二樓王母何窈眇玉質清且柔揚袂折
瓊枝一作芳寄我天東頭相思千萬歲大運浩浩悠悠安用
知吾道日月不能周寄音青鳥翼謝爾碧海流

寺居清晨

高枕對曉月衣巾清且涼露華朝未晞滴漉含虛光隔
竹聞汲井開扉見焚香幽心感衰病結念依法王青冥
早雲飛杳靄一作渺空鳥翔此情皆有釋一作適悠然知所
忘

出東城

步出

一作步步

東城門獨行已徬徨伊洛汎清流密林含朝

陽芳景雖可矚憂懷在中腸人生幾何時冉冉隨流光
願得心所親尊酒坐高堂一為浮沈隔會合殊未央雙
戲水中鳧和鳴自翱翔我無比羽翼安可以比方

經禁城

日沒路且長遊子欲涕零荒城無人路秋草飛寒螢東
南古丘墟莽蒼馳郊坰黃雲晦斷岸枯井臨崩亭昔人

竟何之窮泉獨冥冥蒼苔沒碑版朽骨無精靈俛仰寄
世間忽如流波萍金石非汝壽浮生等臊腥不如學神
仙服食求丹經

出三城留別幕中三判官

翔禽託高柯倦客念主人恩義有所知一作委四海同一

身況皆曠一作廣大姿翰音見良辰陳規佐武略高視據

要津常願投素誠今果得所申金壘列四座廣廈無氛
塵留連徂暑中觀望厯數旬河山險以固士卒勇且仁

飭裝去未歸相追越城闈愧無青玉案緘佩永不泯

送劉秀才南歸

一作陳存詩

鳥啼楊柳垂此別千萬里古路入商山春風生灞水停
車落日在罷酒離人起蓬戶寄龍沙送歸情詎已

送王

一作倫汪

春江

一作天

日未曛楚客酣送君翩翩孤黃鶴萬里滄洲

雲四方各有志

一作心

豈得常顧羣山連巴湘遠水與荆

吳分清光日修阻

一作修阻

尺素安可論相思寄夢寐瑤草

空氛氳

長相思

長相思在桂林蒼梧山遠瀟湘深秋堂零淚倚金瑟朱
顏搖落隨光陰長宵嘹唳鴻命侶河漢蒼蒼隔牛女寧
知一水不可渡況復萬山修且阻綵絲織綺文雙鴛昔
時贈君君可憐何言一去瓶落井流塵歇滅金爐前

長歌行

淮南木落秋雲飛楚宮商歌今正悲青春白日不與我

當壚舉酒勸君持出門馳驅四方事徒用辛勤不得意
三山海底無見期百齡世間莫虛棄君不見金城帝業
漢家有東制諸侯欲長久姦雄竊命風塵昏函谷重關
不能守龍蛇出沒經兩朝胡虜憑陵大道銷河水東流
宮闕盡五陵松柏自蕭蕭

春遊曲

春風戲狹斜相見莫愁家細酌蒲桃酒嬌歌玉樹花裁
衫催白紵迎客走朱車不覺重城暮爭栖柳上鷗

雜曲

寶劍飾文犀當風似切泥逢君感意氣貫酒杜陵西趙
女顏雖少宛駒齒正齊嬌多不肯別更待夜烏啼

春雨

細雨度深閨鶯愁欲嬾啼如烟飛漠漠似露濕淒淒草
色行看靡花枝暮欲低曉聽鐘鼓動早送錦障泥

夕次襄邑

何處成吾道經年遠路中客心猶向北河水自歸東古

卷三 五
戍飄殘角疎林振夕風輕舟難載月那與故人同

夏日

暎日紗窗深且閒
含桃紅日石榴殷
銀瓶綆轉桐花井
沈水烟銷金博山
文簟象床嬌倚瑟
綵奩銅鏡嬾拈環
明朝戲去誰相伴
年少相逢狹路間

送黃煜明府岳州湘陰赴任

一作劉
三復詩

擬占名場第一科
龍門十上困風波
三年護塞從戎遠
萬里投荒失意多
花縣到時銅墨貴
葉舟行處水雲和

遙知布惠蘇民後，應向祠堂弔汨羅。

禪門寺暮鐘

箕簾高懸于闐鐘，黃昏發地殷龍宮。
遊人憶到高山夜，疊閣連樓滿太空。

冷朝陽

冷朝陽金陵人，登大厯進士第。
為薛嵩從事詩十一首

同張深秀才遊華嚴寺

同遊雲外寺，渡水入禪關。
立埽窗前石，坐看池上山。
有

僧飛錫到留客話松間不是緣名利好來長伴閒

中秋與空上人同宿華嚴寺

掃榻相逢宿論詩舊梵宮磬

一作鐘

聲迎鼓盡月色過山

窮庭簇

一作宿

安禪草窗飛帶火蟲一宵何惜別回首隔

秋風

宿柏巖寺

幽寺在巖中行唯一徑通客吟孤嶠月蟬噪數枝風秋色生苔砌泉聲入梵宮吾師修道處不與世間同

登靈善寺塔

飛閣青霞裏先秋獨早涼
天花映窗近月桂拂一作簷

香華岳三峰小黃河一帶長
空聞指歸路烟處有垂楊

瀑布泉

潺湲半空裏霖落石房邊
風激珠光碎山欹練影偏
急流難起浪迸沫祇如煙
自古惟今日淒涼一片泉

冬日逢馮法曹話懷

分襟二年內多少事相干
禮樂風全變塵埃路漸難
秋

林新葉落霜月滿庭寒雖喜逢知己他鄉歲又闌

送唐六赴舉

秋色生邊思送君西入關草衰空大野葉落露青山故
國煙霞外新安道路間碧霄知己在一作香桂月中攀

送遠上人歸京

夏臘歲方深思歸徹曙吟未離銷雪院已有過雲心寒
磬清幽谷孤鐘宿華陰別京遊舊寺月色似雙一作林
霜

別郎上人

過雲尋釋子話別更依依靜室開來久遊人到自稀觸
風香氣盡隔水磬聲微獨傍孤松立塵中多是非

立春

玉律傳佳節青

一作春

陽應此

一作北

辰土牛呈歲稔綠燕

表年春臘盡星迴次寒餘月建寅風光行

一作何

處好雲

物望中新流水初銷凍潛魚欲振鱗梅花將柳色偏思

越鄉人

送紅線

潞州節度使薛嵩有青衣善彈阮咸琴
手紋隱起如紅線因以名之一日辭去

朝陽
為詞

採菱歌怨木蘭舟送客魂銷百尺樓還似洛妃乘霧去
碧天無際水空流

一作流

于尹躬

于尹躬大厯進士元和間為中書舍人左遷洋州刺史
詩一首

南至日太史登臺書雲物

至日行時令登臺約禮文官稱伯趙氏色辨五方雲書

漏聽初發陽光望漸分
司天為歲備持簡出人羣
惠愛周徼物生靈
荷聖君長當有嘉瑞
郁郁復紛紛

柳柳一作柳

柳柳大厯間進士集一卷今存詩二首

贈別二首

江浦程千里離尊淚數行
無論吳與楚俱是客他鄉

何處最悲辛長亭臨古津
往來舟楫路前後一作有別離

人

句

他鄉生白髮舊國有青山

賊平後送客還鄉見紀事

李子卿

李字卿大厯末與崔損同第詩一首

望終南春雪

山勢抱西秦初年瑞雪頰色搖鶉野霽影落鳳城春輝
耀銀峰逼晶明玉樹親尚寒由氣勁不夜為光新荆岫
全疑近崑丘宛合鄰餘輝倘可借迴照讀書人

御定全唐詩卷三百五

欽定四庫全書薈要卷一萬七千七百十一

某部

御定全唐詩卷三百六

朱灣

朱灣字巨川西蜀人自號滄洲子貞元元和間為李勉
永平從事詩一卷

九日登青山

昔人惆悵處繫馬又一作登臨舊地煙霞在多時草木

共

深水將空合色雲與我無心想見一作龍山會良辰亦

緬想

似今

秋夜宴王郎中宅賦得露中菊

衆芳春競發，寒菊露偏滋。
受氣何曾異，開花獨自遲。
晚成猶待賞，一作有分欲採未過時。
忍棄東籬下，看隨秋草衰。

一作看他
迭感衰

奉使設宴戲擲籠籌

今日陪樽俎，良籌復在茲。
獻酬君有禮，賞罰我無私。
莫怪斜相向，還將正自持。
一朝權入手，看取令行時。

詠雙陸骰子

采采應緣白鑽心不為名掌中猶可重手下莫言輕有
對唯求敵無私直任爭君看一擲後當取擅場聲

詠壁上酒瓢呈蕭明府

不是難提挈行藏固有期安身未得所開口欲從誰應
物心無倦當壚柄會持莫將成廢器還有對樽時

詠玉

歌一作獻玉屢招疑終朝省復思既哀黃鳥興還復白圭

詩請益先求友將行必擇師誰知不鳴者獨下董生帷

送陳偃賦得白鳥翔翠微

一作賦得白鶴翔翠微送陳偃下第

不知鷗與鶴天畔弄晴暉背日分明見臨川相暎微淨
中雲一點回處雪孤飛正好南一作高枝住一作立翩翩何

所歸一作依

題段上人院壁畫古松

石上盤古根謂言天生有

一作朽

安知草木性變在畫師

手陰深方丈間直趣幽且閒木紋離披勢搓粹中裂空

心火燒出掃成三寸五寸枝便是一作千年萬年物莓

苔濃淡色

一作意

不同一面

一作半

死皮生蠹蟲風霜未必

來到此氣色者在寒山中孤標可玩不可取能使支公

道場古

逼寒節寄崔七

崔七湖州崔使君之子

閒庭只是長莓苔三徑曾無車馬來旅館尚愁寒食火
羈心嬾向不然灰門前下客雖彈鋏溪畔窮魚且曝腮
他日趨庭應問禮須言陋巷有顏回

長安喜雪

一作陳羽詩

千門萬戶雪花浮
點點無聲落瓦溝
全似玉塵消更積
半成冰片結還流
光含曉色清
天苑輕逐微風遶御樓
平地已霑盈尺潤
年豐須荷富人侯

宴楊駙馬山亭

一作陳羽詩

垂楊拂岸草茸茸
繡戶窗前花影重
鱸下玉盤紅縷細
酒開金甕綠醅濃
中朝駙馬何平叔
南國詞人陸士龍
落日泛舟同醉處
回潭百丈映千峰

過宣上人湖上蘭若

十年湖上結幽期，偏向東林遇遠師。
未道姓名童子識，不酬言語上人知。
閑花落日滋苔徑，細雨和煙著柳枝。
問我別來何所得，解將無事當無為。

同達奚宰遊竇子明仙壇

一作同張明府遊仙臺

松檜陰深一徑微，中峰石室到人稀。
仙官不住青山在，故老相傳白日飛。
華表問裁何歲木，片雲留著去時衣。
今朝茂宰尋真處，暫駐雙鳧且莫歸。

平陵寓居再逢寒食

幾迴江上泣途窮每遇良辰歎轉蓬
火燧知從新節變灰心還與故人同
莫聽黃鳥愁啼處自有花開久一作向
客中貧病固應無撓事但將懷抱醉春風

尋隱者韋九山人於東溪草堂

尋一作窮得仙源訪隱淪
漸來深處漸無塵
初行竹裏唯通馬
直到花間始見人
四面雲山誰作主
數家煙火自為鄰
路傍樵客何須問
朝市如今不是秦

假攝池州留別東溪隱居

一官仍是假豈願數離羣
愁髮看如雪浮名認是雲
暫辭南國隱莫勒北山文
今後松溪月還應夢見君

詠柏板

赴節心長在從繩道可

一作自

觀須知片木用莫向

一作作

散材看空為歌偏苦仍愁和
即難既能親掌握願得接
同歡

箏柱子

散木今何幸

一作在

良工不棄捐力微慙一柱材薄仰

一作

命羣弦且喜聲相應寧辭跡屢遷知音如見賞雅調為

君傳

送李司直歸浙東幕兼寄鮑行

一作參

軍持節大

夫初拜東平郡王

一作朱長文詩

翩翩書記早曾聞二十年来願見君今日相逢悲白髮

同時幾許在青雲人從北固山邊

一作前

去水到西陵

一作

谿渡口分會

一作魯

作王門曳裾客為余前謝鮑參軍

七賢廟

常慕晉高士放心日沈冥湛然對一壺土木為我形下
馬訪陳迹披榛詣荒庭相看兩不言猶謂醉未醒長嘯
或可擬幽琴難再聽同心不共世空見蘚門青

同清江師月夜聽堅正二上人為懷州轉法華
經歌

若耶谿畔雲門僧夜間燕坐聽真乘蓮花祕偈藥草喻
二師身住口不住鑿井求泉會到源閉門避火終迷路

前心後心皆此心梵音妙音柔軟音清冷霜磬有時動
寂歷空堂宜夜深向來不寐何所事一念纔生百慮息
風翻亂葉林有聲雪映閒庭月無色玄關密跡難可思
醒人悟兮醉人疑衣中繫寶覺者誰臨川內史字得之

寒城晚角

滑州作

高臺高萬畫角雄五更初發寒城中寒城北臨大河水
淇門賊烽隔岸是長風送過黎陽川我軍氣雄賊心死
羈人此夜寐不成萬里邊情枕上生乍似隴頭戍寒泉

幽咽流不住又如巴江頭啼猿帶雨斷續愁忽憶嫖姚
北征伐空山宿兵寒對月一聲老將起三奏行人發冀
馬為之嘶朔雲為之結二十年来天下兵到處不曾無
此聲洛陽陌長安路角聲朝朝兼暮暮一作暮平居聞之
尚難度何況天山征戍兒雲中下營雪裏吹

重陽日陪韋卿讌

何必龍山好南亭賞不睽清規陳侯事雅興謝公題入
座青峰近當軒遠樹齊仙家自有月莫歎夕陽西

御定全唐詩卷三百六

謹案卷三百三第四頁前一行秋深為爾持團扇
刊本團訛圓據別本改

卷三百四第五頁後二行送豆盧郎中赴海陵刊
本脫中字據前卷詩題增

卷三百六第三頁前三行氣色香在寒山中按別
本在作似



總校官庶吉士臣張能照

校對官中書臣張 壘

膳錄監生臣周嘉猷

膳錄貢生臣黃永澄

欽定四庫全書會要

集部

御定全唐詩卷三百

七至
十三

詳校虞補通駢經臣郭祚識



欽定四庫全書會要卷一萬七千七百十二

集部

御定全唐詩卷三百七

丘丹

蘇州嘉興人諸暨令歷尚書郎隱臨平山與韋應物鮑防呂渭諸牧守往還存詩十一首

憶長安

四月

憶長安四月時南郊萬乘旌旗嘗耐玉卮更獻含桃絲

籠交馳芳草落花無限金張許史相隨

狀江南

季冬

江南季冬月紅蟹大如遍湖水龍為鏡爐峰氣作煙

和韋使君秋夜見寄

露滴梧葉鳴秋風桂花發中有學仙侶吹簫弄山月

奉酬韋蘇州使君

久作煙霞侶暫將簪組親還同褚伯玉入館忝州人一作

民

和韋使君聽

一作臨

江笛送陳侍御

一作陸侍郎

離樽聞夜笛
寥亮入寒城
月落車馬散
悽惻主人情

奉酬韋使君送歸山之作

側聞郡守至
偶乘黃犢出
不別桃源

一作園

人
一見經累

日蟬鳴念秋稼
蘭酌動離琴
臨水降麾幢
野艇纔容膝
參差碧山路
目送江帆疾
涉海得驪珠
棲梧慚鳳質
媿非鄭公里
歸掃蒙籠室

奉酬重送歸山

賣藥有時至自知來往疎
遽辭池上酌新得山中書
步出芙蓉府歸乘轂轍車
猥蒙招隱作豈愧班生廬

經湛長史草堂

一作題湛長史
舊居有序

無錫縣西郊七里有慧山寺即宋司徒右長史湛
茂之之別墅也舊名厯山故南平王劉鑠有過湛
長史厯山草堂詩湛有酬和其文野而興特以松
石自怡逍遙沈寂終見止足之意可謂當時高賢

矣至齊竟陵王友江淹亦有繼作余登茲山以觀
三篇列於石壁仰覽遺韻若穆清風遽訪湛氏冑
喬山下猶有一二十族得十三代孫略觀其譜書
牋黑塵蠹年世雖邈塋壠尚存余披宋史畧不見
其人心每惻歎悲夫斯人也而史闕書然有其一
篇則為不朽矣因復追緝六韻以次三賢之末時
有釋若水者踪跡茲山修念之餘鑿嵌注壑醜入
諸界無非金碧鉢帽之資悉償工費是以道友邑

僚風翫嘉賞嗚呼得非茂之之緣果而陰隲於上
人不然者何竭慮之至耶余聖唐山令臣也屏居
臨平山墅亦有年矣嘗諷茂之篇句云哀廢歸丘
樊歲寒見松柏不覺禪意超散若在廬霍之間矣
異時同歸猶茂之之不忘也嗟乎湛君用刊巖石
俟後世之知我者得不繼之乎貞元六年歲在
庚午檢校尚書戶部員外郎兼侍御史丘丹誌
身退謝名累道存嘉止足設醴降華幡挂冠守空谷偶

尋野外寺仰慕賢者躅不見音簪裾猶有舊松竹煙霞
雖異世風韻如在矚余即江海上一作歸轍青山曲

蕭山祇園寺

東晉許徵君西方彥上人生時猶定見悟後了前因一本

無比靈塔多年古高僧苦行頻碑存纔記日藤老豈知

春車一作散騎歸蕭蒼雲林識許詢千秋不相見悟定是

吾身

奉使過石門觀瀑有序

謝康樂宋景平中為永嘉守有宿石門巖上詩余
六代叔祖梁中書侍郎天監中有過石門瀑布詩
後亦為此郡小子大厯中奉使竊有繼作雖不足
克紹祖德追踪昔賢盖造奇懷感之志也

溪上望懸泉耿耿雲中見披榛上巖岫峭壁正東面千
仞瀉聯珠一潭噴飛霰嵯瀲滿山響坐覺炎氛變照日
類虹霓從風似綃練靈竒既天造惜處窮海甸吾祖昔
登臨謝公亦遊行王程懼淹泊下磴空延眷千里雷尚

聞巖迴樹葱蒨此來共賤役探討愧前彥永欲洗塵纓
終當愜此願

秋夕宿石門館

暝從石門宿搖落四巖空潭月漾山足天河瀉澗中杉
松寒似雨猿鳥夕驚風獨臥不成寢蒼然想謝公

賈弇

賈弇長樂人登大厯進士第為校書郎詩一首

狀江南

孟夏

江南孟夏天
慈竹笋如編
蜃氣為樓閣
蛙聲作管弦

沈仲昌

沈仲昌臨汝人
登天寶九年進士第詩一首

狀江南

仲秋

江南仲秋天
鱖魚大如船
雷是樟亭浪
苔為界石錢

謝良輔

謝良輔天寶十一年進士第德宗時商州刺史詩四首

憶長安

正月

憶長安正月時和風喜氣相隨獻壽彤庭萬國燒燈青
玉五枝終南往往殘雪渭水處處流澌

十二月

憶長安臘月時溫泉彩仗新移瑞氣遙迎鳳輦日光先
暖龍池取酒蝦蟇陵下家家守歲傳卮

狀江南

仲春

江南仲春天細雨色如煙絲

一作疎

為武昌柳布作石門

泉

孟冬

江南孟冬天荻穗軟如綿
綠絹芭蕉裂黃金橘柚懸

鮑防

鮑防字子慎襄陽人天寶末進士第
歷福建江西觀察

使貞元中累禮部侍郎遷工部尚書致仕防善屬文尤
工詩與中書舍人謝良弼友善時號鮑謝詩八首

憶長安

二月

憶長安二月時玄鳥初至禱祠百轉宮鶯繡羽千條御
柳黃絲更有曲江池一作勝地此來寒食佳期

狀江南

孟春

江南孟春天
荇葉大如錢
白雲裝梅樹
青袍似葑田

雜感

漢家海內承平久
萬國戎王皆稽首
天馬常銜苜蓿花
胡人歲獻葡萄酒
五月荔枝初破顏
朝離象郡夕函關
雁飛不到桂陽嶺
馬走先過一作從林邑
山甘泉御果垂

仙閣日暮無人香
自落遠物皆重近
皆輕雞雖有德不
如鶴

送薛補闕入朝

一作鮑
溶詩

平原門外十餘人獨受恩多未殺身每歎陸家兄弟少

更憐楊氏子孫負柴門豈一作斷施行馬魯酒那堪一作

能醉近臣賴有軍中遺令在猶將談笑對一作風塵

人日陪宣州范中丞傳正與范侍御傳真一作

宴東峰亭一作鮑溶詩

人日東風綻早梅謝家兄弟看花來吳姬對酒歌千曲

秦女留人酒百杯絲柳向空輕一作初婉轉玉山看日漸

裏回流光易去懽難得莫厭頻頻上此臺

上巳寄

一作呈下有浙東二字

孟中丞

一作鮑溶詩

世間禊事風流處鏡裏雲山若畫屏今日會稽王內史
好將賓客醉蘭亭

秋暮憶中秋夜與王璠侍御賞月因愴遠離聊

以奉寄

見鮑溶集作寄王璠侍御

前月月明夜美人同遠

一作清

光清

一作音

塵一以間今夕

坐相忘

一作望

風落芙蓉露疑

一作凝

餘繡被香

元日早朝行

見鮑溶集旌旗以下缺三字下有斷爾春風前直如朱繩非爾妍二

白師曠以
下句俱無

乾元發生春為宗盛德在木一作天斗建東東方歲星大

明宮南山喜氣搖晴空望雲五等舞萬玉獻壽一聲出

千峰文昌隨一作垂彩禮樂正太平一作白下直旌旗紅師

曠應律調黃鍾王良運策調時龍玄冥無事歸朔土青

帝放身入朱宮九韶九變五聲裏四方四友一身中天

何言哉樂無窮廣成彭祖為三公野臣潛隨擊壤老日

下鼓腹歌可封

杜奕

杜奕貞元時人詩一首

憶長安

三月

憶長安三月時上苑遍是花枝青門幾場送客曲水竟

一作競

日題詩駿馬金鞭

一作鞍

無數良辰美景追隨

鄭槩

鄭槩貞元時人詩二首

憶長安

六月

憶長安六月時風臺水榭

一作閣

逶迤朱果雕籠香透分

明紫禁裏隨塵驚九衢客散赭珂

一作汗

滴漉青驪

狀江南

孟秋

江南孟秋天稻花白如瓊素腕慙新藕殘妝妒晚蓮

一作

煙

陳元初

陳元初

元一作允

校書郎居麻源僧靈一有送元初卜居麻

源詩一首

憶長安

七月

憶長安七月時槐花點散

一作散點

果擘七夕針樓競出中

元香供初移繡轂金鞍無限遊人處處歸遲

一作隨

呂渭

呂渭字君載河中人第進士為浙西支使後貶歙州司馬貞元中累遷禮部侍郎出為潭州刺史詩五首

憶長安

八月

憶長安八月時闕下天高舊儀衣冠共頌金鏡犀象對舞丹墀更愛終南灞上可憐秋草碧滋

狀江南

仲冬

江南仲冬天紫蔗節如鞭海將鹽作雪山用火耕田

貞元十一年知貢舉撓閣

一作閤

不能定去留寄

詩前主司

獨坐貞闈裏愁多芳草生仙翁昨日事應見此時情

皇帝移晦日為中和節

一作王季友詩悞

皇心不向晦改節號中和淑氣同風景嘉名別詠謠
湔裙移舊俗賜尺下新科
厯象千年正
醑醑四海多
花隨

春令發鴻

一作鳥

度歲陽過天地齊休慶歡聲欲盪波

經湛長史草堂

巖居舊風景人世今成昔木落古山空
猿啼秋月白誰同西府僚幾謝南平客
摧殘松桂老蕭散煙雲夕跡留異代遠
境入空門寂惟有草堂僧陳詩在石壁

范燈

范燈貞元時人詩一首

憶長安

九月

憶長安九月時登高望見昆池上苑初開露菊芳林正
獻霜梨更想千門萬戶自明砧杵參差

狀江南

季夏

江南季夏天身熱汗如泉蚊蚋成雷澤袈裟作水田

樊珣

樊珣貞元時人詩二首

憶長安

十月

憶長安十月時華清士馬相馳萬國來朝漢闕五陵共
獵秦祠晝夜歌鐘不歇山河四塞京師

狀江南

仲夏

江南仲夏天時雨下如川廬橋垂金彈甘蔗吐白蓮

劉蕃

劉蕃登天寶六年進士第詩二首

憶長安

十一月

憶長安予月時千官賀至丹墀御苑雪開瓊樹龍堂冰
作瑤池獸炭瑣爐正好貂裘狐白相宜

狀江南

季秋

江南季秋天粟熟一作實大如拳楓葉紅霞舉蒼蘆一作蘆花

白浪川一作穿

御定全唐詩卷三百七

欽定四庫全書蒼齋要卷一萬七千七百十三

集部

御定全唐詩卷三百八

張志和

張志和字子同婺州金華人年十六舉明經肅宗時待
詔翰林後不復仕進居江湖自稱烟波釣叟詩九首

太寥歌

化元靈哉碧虛清哉紅霞明哉冥哉茫哉惟化之工無
疆哉

空洞歌

無自而然自然之元無造而化造化之端廓然慤然其形團圞反爾之視絕爾之思可以觀

漁父歌

西吳記云湖州磁湖鎮道士磯即志和所謂西塞山前也志和有漁父詞刺史

顏真卿與陸鴻漸徐士衡李成矩倡和

西塞山前白鷺飛
桃花流水鱖魚肥
青箬笠綠蓑衣
斜風細雨不須歸

釣臺漁父褐為裘
兩兩三三舴艋舟
能縱櫂慣乘流
長

江白浪不曾憂

雲谿灣裏釣漁翁
舴艋為家西復東
江上雪浦邊風笑
著荷衣不歎窮

松江蟹舍主人歡
菰飯萸羹亦共餐
楓一作梧葉落花

乾醉宿漁舟不覺寒

青草湖中月正圓
巴陵漁父擢歌連
釣車子撻頭船樂
在風波不用仙

上巳日憶江南禊事

黃河西繞郡城流上已應無被禊遊為憶淶江春水色
更隨宵夢向吳洲

漁父

八月九月蘆花飛南谿老人垂釣歸秋山入簾翠滴滴
野艇倚檻雲依依却把漁竿尋小徑閒梳鶴髮對斜暉
翻嫌四皓曾多事出為儲皇定是非

張松齡

張松齡志和兄也詩一首

和荅弟志和漁父歌

松齡懼志和放浪不返為築室越州東郭和其詞以

招之

樂是

一作在

風波釣是閒草堂松徑已勝攀太湖水洞庭

山狂風浪起且須還

陸羽

陸羽字鴻漸撰茶經三卷或云自太子文學徙太常寺
太祝不就詩二首

歌

太和中復州有一老僧云是陸弟子常諷此歌

不羨黃金壘不羨白玉杯不羨朝入省不羨暮入臺惟
羨西江水曾向金陵城下來

會稽東小山

月色寒潮入剡溪青猿叫斷綠林西昔人已逐東流去
空見年年江草齊

句

辟彊舊林間怪石紛相向

翫月辟彊園
見紀事

絕澗方險尋

亂巖亦危造

見海錄
碎事

瀉從千仞石寄逐九江船

題康
王谷

泉
志
見

御定全唐詩卷三百八

欽定四庫全書薈要卷一萬七千七百十四

集部

御定全唐詩卷三百九

郭鄖

郭鄖毘陵人大厯貞元間詩人詩一首

寒食寄李補闕

蘭陵士女滿晴川郊外紛紛拜古塏萬井閭閻皆禁火
九原松柏自生煙人間後事悲前事鏡裏今年老去年
介子終知祿不及王孫誰肯一相憐

韋同則

韋同則建中時詩人詩一首

仲月賞花

梅花似雪柳含烟
南地風光臘月前
把酒且須拚却醉
風流何必待歌筵

李夷簡

李夷簡字易之貞元初登進士第累遷殿中侍御史元和時拜御史中丞歷山南節度尋拜御史大夫進門下

侍郎同平章事詩一首

西亭暇日書懷十二韻獻上

一本有武元衡三字

相公亭為

衡鎮蜀時構

勝賞不在遠，憚然念玄

一作冥

搜茲亭有殊，致經始富人

侯澄澹分沼，沚縈迴間林丘。荷香奪芳麝，石溜當鳴球。
撫俗來康濟，經邦去咨謀。寬明洽時論，惠愛聞氓謳。代
斲豈容易，守成獲優游。文翁舊學校，子產昔田疇。琬琰
富佳什，池臺想舊遊。誰言矜改作，曾是日增修。憲省忝

陪屬岷峨嗣徽猷提攜當有路勿使滯刀州

李約

李約字存博汧公勉之子自稱蕭齋官兵部員外郎詩十首

城南訪裴氏昆季

相思起中夜夙駕訪柴荆早霧桑柘隱曉光溪澗明村蹊蒿棘間往往斷新耕貧野烟火微晝無烏鳶聲田頭逢餉人道君南山行南山千里峰盡是相思情野老無

拜揖村童多髡形相呼看車馬顏色喜相驚
荒圃雞豚
樂雨牆禾莠生欲君知我來壁上空書名

歲日感懷

曙氣變東風蟾壺夜漏窮新春幾人老舊歷四時空
身
賤悲添歲家貧喜過冬稱觴惟有感歡慶在兒童

從軍行三首

看圖閒教陣畫地靜論邊烏壘天西戍鷹姿塞上川
路
長唯一作須算月一作日書遠每題年無復生還望
翻思未別前

柵壕一作高

三面鬪箭盡舉烽頻營柳和煙暮關榆帶雪

春邊城多老將磧路少歸人殺

一作點

盡金

一作三

河卒年年

添塞塵

候火起雕城塵沙擁戰聲遊軍藏漢幟降騎說蕃情霜

落

一作降

淖沱

一作流池

淺秋深太白明嫖姚方虎視不覺

一作

學

說

一作請

添兵

贈韋況

我有心中事不與韋三說秋夜洛陽城明月照張八

觀祈雨

桑條無葉土生煙
簫管迎龍水廟前
朱門幾處看歌舞
猶恐春陰咽管弦

江南春

池塘春暖水紋開
堤柳垂絲間野梅
江上年年芳意早
蓬瀛春色逐潮來

過華清宮

君王遊樂萬機輕
一曲霓裳四海兵
玉輦升天人已盡

故宮猶有樹長生

病中宿宜陽館聞雨

難眠夏夜抵秋賒
簾幔深垂窗燭斜
風吹桐竹更無雨
白髮病人心到家

御定全唐詩卷三百九

欽定四庫全書薈要卷一萬七千七百十五

集部

御定全唐詩三百十

于鵠

于鵠大厯貞元間詩人也隱居漢陽嘗為諸府從事詩一卷

江南曲

偶一作間向江邊採白蘋還隨女伴賽江神衆中不敢作

得分明語暗擲金錢卜遠人

山中寄樊僕射

一作寄襄陽樊司空

却憶東溪日同年事魯

一作同袍並學

儒僧房間共宿酒肆醉

相扶天畔

一作江上

雙旌貴山中病客孤無謀

一作媒

還有計

春谷種桑榆

題字文哀

一作裝

山寺讀書院

讀書林下寺不出動經年草

一作書

閣連

一作通

僧院山厨

共石泉雲

一作雪

庭

一作亭

無履跡龕壁有燈烟年少令頭

白刪詩到幾篇

贈蘭若僧

一身禪誦苦灑掃古花宮
靜室門常閉深蘿月不通
懸燈喬木上鳴磬亂幡中
附入高僧傳長稱二遠公

題鄰居

僻巷鄰家少茅簷喜竝居
蒸梨常共竈澆薤亦同渠
傳屐朝尋藥分燈夜讀書
雖然在城市還得似樵漁

山中自述

三十無名客空山獨卧秋
病多知藥性年長信人愁
螢

影竹窗下松聲茅屋頭
近來心更靜不夢世間遊

山中寄韋鉦

一作
証

嬾成身病日

一作
似病

因醉臥多時
送客出谿少讀書終卷

遲幽窗間墜葉

一作
露

晴

一作
秋

景見遊絲
早晚來收藥門

前有紫芝

南谿書齋

茅屋往來久山深不置門
草生垂井口花落擁籬根
入院將雛鳥尋蘿抱子猿
曾逢異人說風景似桃源

夜會李太守宅

一作宿太守李公宅

郡齋常夜埽

一作靜

不臥獨吟詩把燭近幽客升堂戴接

羅微風吹凍葉餘

一作殘

雪落寒枝明日逢山伴須令隱

者知

題柏

一作北

臺山僧

上方唯一室禪定對山

一作金

容行道臨孤壁持齋聽遠

鐘枯藤離舊樹朽石落高

一作危

峰不向雪間

一作中

見還

唯一一作應夢裏逢

寄續尊師

得道任髮白亦

一作每

逢城市遊新經天上取稀

一作靈

藥

洞中收春木帶枯葉新蒲生漫流年年望靈鶴常在此

山頭

題南峰

一作終南

褚道士

一作尊師

得道南山

一作終南

久曾教四皓碁閑

一作閑

門醫病鶴倒篋

養神龜松際風長在泉中草不衰誰知茅屋裏有路向

峨嵋

贈不食姑

不食非關藥天生是女仙
見人還起拜留伴亦開田
無

窟一作屋尋溪宿蕙衣
掃葉眠不知何代女
猶帶剪刀錢

送李明府歸別業

寄家丹水邊歸去種春田
白髮無知己空山又一年
鹿裘長酒氣茅屋有茶烟
亦擬辭人世何溪有瀑泉

題樹下禪師一作僧

久行多不定樹下是禪牀
寂寂心一作身無住年年日自

長蟲蛇同宿

一作在

礧草木共經霜已見南人說天台有

舊

一作上房

宿王尊師隱居

夜愛雲林好寒天月裏行青牛眠樹影白犬吠猿聲一

磬山

一作上

院靜千燈谿路明從來此峰客幾箇得長生

題服柏先生

服柏不飛鍊間眠閉草堂有泉唯

一作誰

盥漱留火為焚

香新雨閒門靜孤松滿院涼仍聞枕中術曾

一作親

授漢

淮王

哭凌霄山光上人

身沒碧峰裏
門人改葬期
買山尋主遠
壘塔化人遲
鬼火穿一作燒空院
秋螢入素帷
黃昏溪路上
聞哭竺乾師

途中寄楊涉一作涉

蕭蕭蘆花晚一作葉
一逕入荒陂
日色雲收一作輕
處蛙聲

雨歇時前村
見來久羸馬
自行遲聞作
王門客應聞一作

寒白接羅

送韋判官歸薊門

桑乾歸路遠聞說亦愁人有雪常經夏無花空到春下

營雲外火收

一作收

馬月中塵白首從戎客青衫

一作袍

未

離身

出塞

一本有曲字

葱嶺秋塵起全

一作收

軍取月支山川引行陣蕃漢列旌

旗轉戰疲兵少孤城外救遲邊人逢聖代不見偃戈時

微雪軍將

一作將軍

出吹笳天未明觀兵登古戍斬將對雙

旌分陣瞻山勢潛兵

一作軍

制馬鳴如今青

一作新

史上已

有滅胡名

單于驕愛獵放火到軍城乘

一作待

月調新馬

一作弩

防秋

置遠營空山朱戟影寒磧鐵衣聲度水逢

一作逢著降

胡說

沙陰有伏兵

贈李太守

幾年為郡

一作太

守家似布衣貧沽酒迎幽客無金與近

臣禱茶書院靜講易藥堂春歸闕功成後隨車有野人

送張司直入單于

一作送客遊邊

若過

一作到

并州北誰人不憶家
塞深無伴侶

一作去伴

路盡

有平沙磧冷唯逢鴈
天春不見花莫隨征

一作邊

將意垂

老事輕車

惜花

夜來花欲盡始

一作偏

惜兩三枝早起尋
稀處閒眠記落

時藥焦蜂自散蒂
折蝶還移

一作稀

攀著殷勤別
明年更有期

春山居

獨來多任性，惟與白雲期。
深處花開盡，遲眠人不知。
水流山暗處，風起月明時。
望見南峰近，年年嬾更移。

遊瀑泉寺

日夕尋未遍，古木寺高低。
粉壁猶遮嶺，朱樓尚隔溪。
窗通澗鼠殿，跡立山雞更。
有無人處，明朝獨向西。

送宮人入道歸山

十歲一作五吹簫入漢宮，
看修水殿種芙蓉。
自傷白髮辭

金屋許著黃衣

一作喜戴黃冠

向玉

一作雪

峰解語老猿開曉戶

學飛雛

一作引雛飛

鶴落

一作下

高松定知別後宮中伴應聽

緱山半夜鐘

巴女謠

巴女騎牛唱竹枝藕絲菱葉傍江時不愁日暮還家錯
記得芭蕉出槿籬

公子行

少年初拜大長秋半醉垂鞭見列侯馬上抱雞三市鬪

袖中攜劍五陵遊
玉簫金管迎歸院
錦袖紅妝擁上樓

更向院西

一作東

新買宅月波

一作碧波
一作月波

春水入門流

長安遊

久臥長安春復秋
五侯長樂客長愁
繡簾朱轂逢花住
錦幘銀珂觸雨遊
何處少年吹玉笛
誰家鸚鵡語紅樓
年年只是看他貴
不及南山任白頭

別齊太守

花裏南樓春夜寒
遽如王屋上天壇
歸山不道無明月

誰共

一作肯

相從到曉看

登古城

獨上閒城却下遲
秋山慘慘塚纍纍
當時還有登城者
荒草如今知是誰

哭劉夫子

近問南州客云亡
已數春痛心曾受業
追服恨無親孀
婦歸鄉里書齋屬
四鄰不知經亂後
莫祭有何人

醉後寄山中友人

昨日山家春酒濃
野人相勸久從容
獨憶卸冠眠細草
不知誰送出深松
都忘醉後逢
蘆度不省歸時見
魯恭
知已尚嫌身
酩酊路人應
恐笑龍鍾

溫泉僧房

雲裏前朝寺
修行獨幾年
山村無施食
盥漱亦安禪
古塔巢溪鳥
深房閉谷泉
自言魯一作僧入室知處
梵王天

題美人

秦女窺人不解羞
攀花趁蝶上牆頭
胸前空帶宜男草

嫁得蕭郎愛遠遊

尋李暹

任性常多人未得見稀市樓逢酒住野寺送僧歸
下懸秋葉籬頭曬褐衣門前南北路誰肯入柴扉

尋李逸人舊居

舊隱松林下衝泉入兩涯

一作崖

琴書隨弟子雞犬在鄰

家茅屋長青青
槿籬生白花
幽墳無處訪
恐是入烟霞

贈碧玉

新繡籠裙豈惹花路入笑上返金車霓裳禁曲無人解
暗問梨園弟子家

舟中月明夜聞笛

浦裏移舟候信風蘆花漠漠夜江空更深何處人吹笛
疑是孤龍一作吟寒水中

送遷客二首

得罪誰人送來時不到家白頭無侍子多病向天涯
莽凌江水黃昏見塞花如今賈誼賦不漫說長沙

流人何處去萬里向江州孤驛瘴煙重行人已草秋上
帆南去遠送雁北看愁遍問尖方客無人得白頭

贈王道者

一作贈
隱者

去尋長

一作多

不出

一作在
一作見

門似絕人行牀下石苔滿屋

頭秋草生學琴寒月

一作冬
一作日

短寫易晚

一作曉

窗明唯到

一作

有黃昏後溪中聞磬聲

題合溪乾洞

又見劉商集題
作題潘師房

渡水傍山尋絕壁白雲飛處洞天開仙人來往行無跡

石徑春風長綠苔

過張老園林

一作村園

身老無修飾頭巾用白紗開門朝掃徑輦

一作瀟

水夜澆

花藥氣聞深巷桐陰到數家不愁還酒債腰下有丹砂

寓意

一作荆南陪楚尚書惜落花一作襄陽席上看花時因小壘作

自小

一作老大

看花長

一作情一作猶

不足江邊尋得數株

一作沿江正遇一枝

紅黃昏人散東

一作春

風起

一作日斜人散東風起

吹落

一作向

誰家明

月中

哭王都護

老將明王識臨終拜上公告哀鄉路遠助葬

一作戰

戍城

空素幔朱門裏銘旌秋巷中史官如不濫獨傳說英雄
錢司農宋卿立太尉碑了還江東

追立新碑日憐君苦一身遠移深澗石助立故鄉人草
色荒墳綠松陰古殿春平生心已遂歸去得垂綸

送唐大夫讓節

一本有度使二字

歸山

一作送唐中丞入道

年老功成

一作臣

乞罷兵玉階匍匐進雙旌朱門駕瓦為

仙觀白領狐裘出帝城侍女

一作婢

休梳官樣髻蕃

一作閨

童新改道家名到時浸髮春泉裏猶夢紅

一作江

樓簫管

聲

買山吟

買得幽山

一作居

屬漢陽槿籬疎處種枕椰唯有獼猴來

往熟弄人拋果滿書堂

古詞三首

素絲帶金地窗間掬飛塵偷得鳳凰釵門前乞行人

新長青絲髮啞啞言語黠隨人敲銅鏡街頭救明月
東家新長兒與妾同時生並長兩心熟到大相呼名

秦越人洞中詠

扁鵲得仙處傳是西南峰年年山下人長見騎白龍洞
門黑無底日夜唯雷風清齋將入時戴星一作花兼抱松

石徑陰且寒地響知一作如遠鐘似行山林外聞葉履一作

屐聲重低礙更俯身漸遠晝夜同時時白蝙蝠飛入茅

衣中行久路轉窄靜聞水淙淙但願逢一人自得朝天

宮

宿西山修下元齋詠

幽人在何處松檜深冥冥西峰望紫雲知處一作安期

生沐浴溪水暖新衣禮仙名脫屐一作履入靜堂遶像隨

禮行碧紗籠寒燈長幡綴金鈴林下聽法人起坐一作踐

枯葉聲啟奏修律儀天曙山鳥鳴分行布管茅列坐滿

中庭持齋候撞鐘玉函散寶經焚香開卷時照耀金室

明投簡石洞深稱過一作遇上帝靈學道能苦心自古無

不成

過凌霄洞天謁張先生祠

戢戢

一作落落亂萬

峰裏一峰獨凌天

下看如

一作知

尖高

上有十里泉志

一作至

人愛幽深一住五十

一作十五

年懸牖

一作積

到其上乘牛耕藥田衣食不下求乃是雲中仙山

僧獨知處相引衝碧煙斷崖畫屨黑槎枲橫隻

一作雙椽

面壁攀石稜養力方敢前累歇日已沒始到茅堂邊見

客不問誰禮質無周旋醉臥枕歌樹

一作木

寒坐展青氈

折松掃藜牀，秋果顏色鮮。
鍊蜜敲石炭，洗澡乘瀑泉。

一本

無此二句

白犬舐客衣，驚走聞腥膻。
乃知軒冕徒，寧比雲壑

眠。

早上凌霄第六峰入紫谿禮白鶴觀祠

路轉第六峰，傳是十里程。
放石試淺深，硯壁虵鳥驚。
欲

下先褰衣路底

一作低

避枯莖，迴途歇嵌窟。

一作岨

整帶重

冠纓及到紫石溪，晻晻已天明。
漸近神仙居，桂花濕溟

溟陰苔無人蹤，時得白鶴翎。
忽然見朱樓，象牌題玉京。

沈沈五雲影香風散縈縈清齋上玉

一作列玉

堂窗戶懸水

精青童撞

一作搥

金屑杵白聲丁丁臙腥遙問誰稽首稱

姓名若容在溪口願乞殘雲英

山中訪道者

一作入白芝溪尋黃尊師

觸煙入溪口岝岬

一作岬

唯檉櫟其中盡

一作飛

碧流十里

不通屐出林山始轉

一作尚未明

絕

一作細

徑緣

一作懸峭壁把

藤借行勢側足憑石脈

一作頽

牙斷行處光滑猿猱

一作

猴

跡忽然風景異乃到神仙宅天晴茅屋頭殘雲蒸氣

白隔窗梳髮聲久立聞吹笛

一作憤

抱琴出門來不顧

一作

是

人間客山院不灑掃四時自虛寂落葉埋長松出地

纔數

一作滿

尺曾讀上清經知

一作去

注長生籍願示不死

方何山有瓊液

寄盧儼員外秋衣詞

寄遠空以心心誠亦難知篋中有秋帛裁作遠客衣縫
製雖女功尺度手自持容貌常目中長短不復疑斜縫
密且堅遊客多塵縑意欲都無言澣濯耐歲時殷勤託

行人傳語慎勿遺別來年已老亦聞髮成絲縱然更相逢握手唯是悲所寄莫復棄願見長相思

種樹

一樹新栽益四鄰野夫如到舊山春樹成多是入先老
垂白看他攀折人

哭李暹

一作趙
嘏詩

驅馬街中哭送君靈車碾雪隔城聞唯有山僧與樵客
共昇孤櫬入幽墳

古挽歌

雙轍出郭門綿綿東西道送死多於生幾人得終老見

此切肺肝

一作肝腸

不如

一作唯有

歸山好不聞哀哭聲默默安

懷抱時盡從物化

一作奄終

又免生憂擾

一作擣

世間壽者稀

盡為悲傷惱

一作早

送哭誰家車

一作郎

靈幡

一作車

紫帶長青童抱何物明月

與香囊

可惜羅衣色看昇入水泉莫愁埏道暗燒漆得千年

上以

二篇一本
合作一首

陰

一作劫

風吹黃蒿挽歌度秋水車馬却歸城孤墳月明

一作明
月裏

悼孩子

年長始一男心亦頗自娛生來歲未周奄然却歸無裸
送不以衣瘞埋於中衢乳母抱出門所生亦隨呼嬰孩
無哭儀禮經不可踰親戚相問時抑悲空歎吁襁褓在
舊牀每見立踟躕靜思益傷情

一作惜

畏老為獨夫

別舊山

舊伴同遊盡却回雲中獨宿守花開自是去人身漸老
暮山流水任東來

寄周惲

家在荒陂長似秋蓼花芹葉水蟲幽去年相伴尋山客
明月今宵何處遊

野田行

一作李益詩

日暮出古城野田何茫茫寒狐上孤冢鬼獵一作火燒白

楊昔人未為泉下客若到此中還斷腸

塞上

一作
出塞曲

行人朝走馬直走薊城傍薊城通漢北萬里別吳鄉海
上一烽火沙中百戰場軍書發上郡春色度河陽嫋嫋
漢宮柳青青胡地桑琵琶出塞曲橫笛斷君腸

襄陽寒食

一本此下有寄
字文籍四字

煙水初銷見萬家東風吹柳萬條斜大堤欲上誰相伴
馬踏春泥半是花

汎舟入後谿

一作羊士諤詩

雨餘芳草淨沙塵
水綠沙平一帶春
唯有啼鶻似留客
桃花深處更無人

御定全唐詩卷三百十

欽定四庫全書薈要卷一萬七千七百十六

集部

御定全唐詩卷三百十一

劉長川

劉長川肅代間詩人詩二首

寶劍篇

寶劍不可得相逢幾許難
今朝一度見赤色照人寒
匣裏星文動環邊月影殘
自然神鬼伏無事莫空彈

將赴東都上李相公

卷三十一
四海兵初偃平津閣正開誰知大爐下還有不然灰

鄭常

鄭常肅代間人詩一卷今存三首

寄邢一作常逸人

羨君無外事日與世情違一作稀地僻人難到溪深鳥自

飛儒衣荷葉老野飯藥苗肥疇昔江湖一作若意而一作問湖邊

如今憶共歸

送頭陀上人赴廬山寺

僧家無住著早晚出東林得

一作行

道非

一作無

真相頭陀

是苦心持齋山果熟倚雪野雲深溪寺誰相待香花與

梵音

謫居漢陽白沙口阻雨因題驛亭

漢陽無遠近

一作知近遠

見說過湓城雲雨經春客江山幾

日程終隨鷗鳥去祇待海潮生前路逢漁父多慚

一作慙

問姓名

陳存

陳存大厯貞元間詩人詩六首

穆陵路

西遊匣長劔日暮湘楚間
歇馬上秋草逢人問故關
孤村綠塘水曠野白雲山
方念此中去何時此路還

清溪館作

指途清溪裏左右唯深林
雲蔽望鄉處雨愁為客心
遇人多物役聽鳥時幽音
何必滄浪水庶茲浣塵襟

寓居武丁館

暑雨飄

一作
颺

已過涼颺觸幽衿
虛館無喧塵綠槐多晝

陰俯視古苔積
仰聆早蟬吟
放卷一長想
閉門千里心

楚州贈別周愿侍御

漂泊楚水來
捨舟坐高館
途窮在中路
孤征慕前風
雨一留宿
關山去欲嬾
淮南木葉飛
夜聞廣陵散

送劉秀才南歸

一作劉
復詩

鳥啼楊柳垂
比別千萬里
古路入商山
春風去灞水
停車落日在
罷酒離人起
蓬戶寄龍沙
送歸情詎已

丹陽作

一作朱
彬詩

暫入新豐市猶聞舊酒香
抱琴沽一醉盡日臥垂楊

王觀

王觀大厯貞元間人或云太和時人詩一首

早行

雞唱催人起又生前去愁
路明殘月在山露宿雲收
村店烟火動漁家燈燭幽
趨名與趨利行役幾時休

崔瓘

崔瓘字汝器博陵人累官至澧州刺史大厯中遷湖南
觀察使為別將臧玠所害詩一首

贈營妓

詩話總龜云崔左轄瓘牧江外郡祖
席夜闌一營妓先辭歸崔與詩曰

寒簷寂寂雨霏霏候館蕭條燭燼微只有今宵同此宴
翠娥佯醉欲先歸

鄭審

鄭審繇之子乾元中袁州刺史大厯初祕書監出為江
陵少尹詩二首

酒席賦得匏瓢

華閣與賢開仙瓢自遠來
幽林嘗伴許陋巷亦隨回
挂影憐紅壁傾心向綠杯
何曾斟酌處不使玉山頽

奉使巡檢兩京路種果樹事畢入秦因詠

聖德周天壤韶華滿帝畿
九重承渙汗千里樹芳菲
陝塞餘陰薄關河舊色微
發生和氣動封植衆心歸
春露條應弱秋霜果定肥
影移行宇蓋香撲使臣衣
入逕迷馳道分行接禁闈
何當扈仙蹕攀折奉恩輝

朱彬

朱彬大厯貞元間詩人詩一首

丹陽作

一作陳存詩

暫入新豐市猶聞舊酒香
抱琴沽一醉盡日臥垂楊

李彥遠

一作
暉

李彥遠大厯貞元間詩人詩一首

採桑

採桑畏日高不待春眠足
攀條有餘態那矜

一作
憐 貌如

王千金豈不贈五馬空躑躅何以變真性幽篁雪中綠

范元凱

范元凱內江人與兄崇凱俱有才名詩一首

章仇公

兼瓊

席上詠真珠姬

章仇公大厯中蜀州刺史

神女初離碧玉階彤雲猶擁牡丹鞋應知子建憐羅襪
顧步裴回拾翠釵

御定全唐詩卷三百十一

欽定四庫全書薈要卷一萬七千七百十七

集部

御定全唐詩卷三百十二

劉迴

劉迴字陽卿知幾子以剛直稱大厯初吉州刺史終諫議大夫給事中集五卷今存詩四首

爛柯山四首

按此詩見信安志爛柯山石刻並見者李幼卿李深謝勳羊滔薛戎

五人或一時同詠或先後繼唱皆列於後

白雲引策杖苔徑誰往還漸見松樹偃時聞鳥聲閑

然喧氛盡獨對萬重山

最高頂

石橋架絕壑蒼翠橫鳥道憑檻雲脚下顏陽日猶蚤
霓裳倘一遇千載長不老

石橋

靈境偶一尋洞天碧雲上爛柯有遺跡羽客何由訪日

暮悵欲還晴煙滿千嶂

仙人碁

繩牀宴坐久石窟絕行跡能在人代中遂將人代隔白

雲風颺飛

一作孤峰上

非欲待歸客

石窟二禪師

李幼卿

李幼卿字長夫隴西人大厯中以右庶子領滁州刺史
滁州有庶子泉以幼卿得名詩五首

前年春與獨孤常州兄花時為別倏已三年矣
今鶯花又爾覩物增懷因之抒情聊以奉寄

時蒙

溪幽居在義興益增懷邈

近日霜毛一番新別時芳草兩迴春不堪花落花開處
況是江南江北人薄官龍鍾心懶慢故山寥落水蘄淪
緣君愛我疵瑕少願竊仁風寄老身

紀事云幼卿有別業在常州義興曰

王潭莊任滁州日以書托刺史獨孤及及為題玉潭云
碧玉徒強名冰壺難比德唯當寂照心可並齋淪色幼
卿所謂故山寥
落水齋淪是也

遊爛柯山四首

拂霧理孤策薄霄眺層岑迴升煙霧外豁見天地心物
象不可及遲回空詠吟

巨石何崔嵬橫橋架山頂傍通日月過仰望虹霓迴聖
者開津梁誰能度茲嶺

二仙自圍碁偶與樵夫會仙家異人代俄頃千年外笙

鶴何時還儀形尚相對

石室過雲外二僧儼禪寂不語對空山無心向來客作
禮未及終忘循舊形跡

李深

李深字士達兵部郎中衢州刺史詩四首

遊爛柯山四首

尋源路不迷絕頂與雲齊坐引羣峰小平看萬木低雙
林春色上正有子規啼

嵌空橫洞天磅礴倚崖巘宛如虹勢出可賞不可轉真
興得津梁抽簪永游行

羽客無姓名仙棊但聞見行看負薪客坐使桑田變懷
古正怡然前山早鶯囀

稽首期發蒙吾師豈無說安禪即方丈演法皆寂滅鳴
磬雨花香齋堂飯松屑

羊溈

羊溈泰山人大厯中宏詞及第詩四首

遊爛柯山

步登春巖裏更上最遠山
聊見宇宙濶遂令身世閒
清輝賞不盡高駕何時還

石梁聳千尺高盼出林
巨壑躡丹虹排雲弄清影路

期訪道客遊行空井井

第二句
缺一字

採薪窮冥搜深路轉清暎
安知洞天裏偶坐得棋聖
至今追靈跡可用陶靜性

沙門何處入攜手俱滅跡
深入不動境乃知真圓寂
有

時歸羅浮白日見飛錫

薛戎

薛戎字元夫河中人歷衢湖常三州刺史終浙東觀察使詩四首

遊爛柯山

登巖已寂歷絕頂更岑堯響像如天近窺臨與世遙悠然暢心目萬慮一時銷

聖遊本無跡留此示津梁架險知何適遺名但不亡只

今成佛宇化度果難量

二仙行自適日月徒遷徙不語寄手談無心引樵子蒙
分一九藥相偶窮年祀

仙山習禪處了知通李釋昔作異時人冷成相對寂便
是不二門自生瞻仰意

謝勳

謝勳不知何許人詩四首

遊爛柯山

獨凌清景出下視衆山中雲日遙相對川原無不通自
致高標未何心待馭風

究演橫中規穹崇翠微上雲扃掩苔石千古無人賞寧
知後賢心登此共來往

仙奕示樵夫能言忘歸路因看斧柯爛孫子髮已素孰
云遺跡久舉意如旦暮

仙僧會真要應物常淵默惟將無住理轉與信人說月
影清江中可觀不可得

欽定四庫全書

御定全唐詩
卷三百十二

御定全唐詩卷三百十二

欽定四庫全書薈要卷一萬七千七百十八

集部

御定全唐詩卷三百十三

崔元翰

崔元翰名鵬以字行博陵人擢進士第一人又舉宏詞
歷官禮部員外知制誥終比部郎中集三十卷今存詩
七首

奉和聖製三日書懷因以示百寮

佳節上一作尚元已芳時屬暮春流觴想蘭亭捧劍傳金

人風輕水初綠日遲

一作晴

花更新天文信昭回皇道頗

敷陳恭已每從儉清心常保真戒茲遊行樂書以示羣

臣

奉和聖製重陽旦日百寮曲江宴示懷

偶聖觀昌期受恩慙弱質幸逢良宴會況是清秋日遠
岫對壺觴澄瀾映簪紱炮羔備豐膳集鳳調鳴律薄劣
厠英豪歡娛忘衰疾平臯行雁下曲渚雙鳧出沙岸菊
開花霜枝果垂實天文見成象帝念資勤恤探道得玄

珠齋心君特室豈如橫汾唱其事徒一作驕逸

奉和聖製中元日題奉敬寺

妙道非本說殊途成異名聖人得其要俱以化羣生鳳
吹從上苑龍宮連外城花鬢列後一作殿雲車駐前庭

松竹含新秋

一作韻

軒窗有餘清緬懷崆峒事須繼簫管

一作管弦

聲離相境都寂忘言理更精域中信稱大天下乃

為輕屈已由濟物堯心豈所榮

奉和登玄武樓觀射即事書懷賜孟涉應制

寧歲常有備殊方靡不賓禁營列武衛帝座彰威神講
事一臨幸加恩徧撫巡城高鳳樓聳塲迴獸侯新飲羽
連百中控弦踰六鈞棟材盡爪士受任皆信臣光賞文
藻麗便繁心膂親復如觀太清昭爛垂芳辰

清明節郭侍御偶與李侍御孔校書王秀才游
開化寺卧病不得同遊賦得十韻兼呈馬十八
郎丞公

山色入層城鐘聲臨複岫乘閒息邊事探異憐春候曲

閣下重階迴廊遙對雷石間花徧落草上雲時覆鑽火
見樵人飲泉逢野獸道情親法侶時望登朝右執憲糾
姦邪刊書正訛謬茂才當時選公子生人秀贈答繼篇
章歡娛重朋舊垂簾獨衰疾擊缶酬金奏

雜言奉和聖製至承光院見自生藤感其得地
因以成詠應制

新藤正可翫得地又逢時羅生密葉交綠蔓欲布清陰
垂紫莖已帶朝光暖猶含輕露滋遙依千華殿稍上萬

年枝餘芳連桂樹積潤傍蓮池豈如幽谷無人見空覆
荒榛雜兔絲聖心對此應有感隱迹如斯誰復知懷賢
勞永歎比物賦新詩聘丘園訪茅茨為謝中林士王道
本無私

雨中對後簷叢竹

含風搖硯水帶雨拂牆衣乍似秋江上漁家半掩扉

獨孤良器

獨孤良器貞元中官右司郎中詩一首

賦得沈珠於泉

皎潔沈泉水熒煌照乘珠沈非將寶契還與不貪符風
折璿成浪空涵影似浮深看星并入靜向月同無光價
憐時重亡情信道樞不應無脛至自為暗投殊

高崇文

高崇文字崇文其先自渤海徙幽州崇文少籍平盧軍
貞元中隨韓全義鎮長武城累官金吾將軍全義入覲
崇文掌行營節度留務憲宗朝拜東川節度使西蜀平

封南平郡王同中書門下平章事卒謚曰威武詩一首

雪席口占

崇文宗武不崇文提戈出塞號將軍那個髀兒射雁落
白毛空裏亂紛紛

羅珣

一作炯

羅珣會稽人家於廬州貞元中刺本郡以治行聞再遷
京兆尹詩一首

行縣至浮查山寺

三十年前此布衣鹿鳴西上虎符歸行時賓從過前寺
到處松杉長舊園野老競遮官道拜沙鷗遙避隼旗飛
春風一宿琉璃地自有泉聲愜素機

皇甫澈

一作
澈

皇甫澈貞元中蜀州刺史詩四首

賦四相詩

并序

蜀州刺史廳壁記居相位者前後四公謨明弼諧遷
轉歷此顧已無取忝迹於斯景行遺烈嗟歎之不足

也謹述其行事詠其休美庶將來君子知聖朝之德
云爾

中書令漢陽王張柬之

周歷草元命天步值艱阻烈烈張漢陽左袒清諸武休
明神器正文物舊儀覩南向翊大君西宮朝聖母茂勲
鏤鐘鼎鴻勞食茅土至今稱五王卓立邁萬古

中書令鍾紹京

景龍仙駕遠中禁奸釁結謀猷叶聖朝披鱗奮英節青

宮闈闔啟滌穢氛
泯滅紫氣重昭回
皇天新日月從容
廟堂上肅穆人神
悅唐元佐命功輝
煥何烈烈

禮部尚書門下侍郎平章事李峴

時來遇明聖道濟
寧邦國猗歟瑚璉
器竭我股肱力進
賢黜不肖錯枉舉
諸直宦官既却坐
權奸一作監亦移職
載踐每若驚三已
無愠色昭昭垂憲
章來世實作則

門下侍郎平章事王縉

舟楫濟巨川山河
資秀氣服膺究儒
業屈指取高位北

征戮驕悍東守輯攜貳論道致巍巍持衡無事事知已
不易遇宰相固有器瞻事華壁中來者誰其嗣

張登

張登南陽人江南士掾滿歲計相表為殿中侍御史董
賦江南俄拜漳州刺史集六卷今存詩七首

上巳泛舟得遲字

令節推元已天涯喜有期初筵臨泛地舊俗祓禳時枉
渚潮新上殘春日正遲竹枝遊女曲桃葉渡江詞風鷁

今方退沙鷗亦未疑且同山簡醉倒載莫褰帷

送王主簿遊南海

平生推久要留滯共三年明日東南路窮荒霧露天曠
懷常寄酒素業不言錢道在貧非病時來醜亦妍過
山乘蠟屐涉海附樓舡行矣無為恨宗門有大賢

重陽宴集同用寒字

錫宴逢佳節窮荒亦共歡恩深百日澤雨借九秋寒望
氣人謠洽臨風客以難座移山色在杯盡菊香殘欲識

投醪遍應從落帽看還宵須命燭舉首謝三官

仲秋夜郡內西亭對月

第七句
缺一字

天高月滿影悠悠一夜炎荒併覺秋氣與露清凝衆草
色如霜白怯輕裘高臨華宇還知隙靜映長江不共流
直西傾河漢曙遺風猶想武昌樓

冬至夜郡齋宴別前華陰盧主簿

并序
內缺一字

范陽盧君道漳以適越越人悅之稅車休徒三旬之
間然後飭行李之命時日南至登與賓客僚吏會別

於郡齋驪酒卜夜夜艾酒酣而不能自己故咸請詩
之由是探韻而賦賦不出志大抵感時傷遠又美盧
君擇其所從而惑 頌征南有奔走之德焉

虎宿方冬至鷄人積夜籌相逢一尊酒共結兩鄉愁王
儉花為府盧諶幄內璆明朝更臨水悵望嶺南流

小雪日戲題絕句

甲子徒推小雪天刺梧猶綠槿花然融和長養無時歇
却是炎洲雨露偏

招客遊寺

江城吏散捲

倦一作

春陰山寺鳴鐘隔雨深招取遺民赴

僧社竹堂分坐靜看心

句

孤高齊帝石蕭灑晉亭峰

見漳州名勝志

境曠窮山外城標

漲海頭

韋執中

韋執中京兆人河南縣令歷泉州刺史詩一首

陪韓退之竇貽周同尋劉尊師不遇得師字
早尚逍遙境常懷汗漫期星郎同訪道羽客杳何之物
外求仙侶人間失我師不知柯爛者何處看圍碁

邵真

邵真成德軍李寶臣書記也寶臣子惟岳倚田悅拒命
真切諫不從兵敗召真議歸順悅遣扈岌來責惟岳懼
斬真以謝後王武俊表其忠贈戶部尚書詩一首

尋人偶題

日昃不復午落花難歸樹人生能幾何莫厭相逢遇

何頻瑜

何頻瑜建中中藍田尉詩一首

牆陰殘雪

積雪還因地牆陰久尚殘影添斜月白光借夕陽寒皎
潔開簾近清熒步履看狀花飛著樹如玉不成盤冰薄
方寧及霜濃比亦難誰憐高卧處歲暮歎袁安

駱浚

駱浚起家度支司書後嘗典州郡有令名詩一首

題度支雜事典庭中柏樹

語林云度支使見此詩語李吉甫因顯用

幹聳一條青玉直葉鋪千疊綠雲低爭如燕雀偏巢此却是鴛鴦不得棲

羅讓

一作尚

羅讓字景宣迴之子少以文學知名舉進士宏辭賢良方正皆高第歷尚書郎散騎常侍終江西觀察使集三十卷今存詩二首

稍雲

一作曹松

殊質資靈貺
凌空發瑞雲
稍稍含樹彩

一作影

郁郁動霞


文不比因風起
全非觸石分
葉光閒泛濫
枝杪靜氛氲
隱見心無宰
爽回慶自君
翻飛如可託
長願在橫汾

閏月定四時

月閏隨寒暑
疇人定職司
餘分將考日
積算自成時
律候行宜表
陰陽運不欺
氣薰灰琯驗
數扞卦辭推
六律文明序
三年理暗移
當知歲功立
唯是奉無私



御定全唐詩卷三百十三



總校官庶吉士臣張能照

校對官中書臣張 頊

校對官檢討臣蕭九成

謄錄貢生臣黃永澄

謄錄監生臣魏世裔

財團
法人
佛陀
教育
基金會
釋淨空
敬贈